



DEMOKRAATIT
DEMOKRATERNE

UPA 2017/126

Nivi Olsen

Uunga siunnersuut: Meeqqanut atuartunut perorsaaniikkut inerikkiartuutaasunik sunngiffimmi neqeroorutit pillugit inatsisartut inatsisaat nr. xx, xx. xxx 2017-imeersoq

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Una oqaaseqaat demokraatit atassutikkullu sinnerlugit saqqummiutissavara.

Meeqqanut atuartunut perorsaaniikkut inerikkiartuutaasunik sunngiffimmi neqeroorutit pillugit immikkut inatsiseqalernissamut siunnersuut nunatsinni pingaarutilimmik inerikkiartornitsinnut ersiuataavoq, taamaattumik naalakkersuisut qutsavingaagut.

Demokraatini ilisimaaripparput nunatsinni ilaatigut meeqqat periarfissaat apeqqutaalluinnartut qanoq peroriartornermut, tassa angajoqqaat kisimik aaliangiisuunngitsut inuunerissaarnissamut, avatangiiseq, periarfissat, ulluinnarni inooqatit qaninnerit, annertuumik aaliangiisuusarput.

Aammalumi nalunngilarput ajorluartumik piffinni minnerni atornerluinerit isinnaasartut meeqqani atuareernerup kingorna ornitassaqaanngittuni, tassami anaanap ataatallu sulineranni meeqqat ornitassaqaanngittut imminnut paarisariaqartarnerata kingunerisarpaa meeqqanik atornerluerusussusillit periarfissaq annertoq pisarmassuk. Tamannalu politikkikkut imak inatsisiliornikkut pinngitsoortinnissaa qaninnerungaalerpoq, apeqqutaalluinnarluni kommunit inatsimmik atuutsitsinissamut piumassuseqarnerat. Neriulluinaqqissaarpunga inatsisit kommuneminngaanniit aaqqissuussaalluangaasumik malinneqarnissaat suliarilluarneqarumaartoq.

Qinereqqammernerlu atorluarlugu oqaloqatingiinnerit ingerlalluartaqarput, tassami meeqqat inuunerannik immersuineq, ilikkangassaannik nuannaarnissaannillu siulersornissai piviusunngortittariaqarparput, periarfissaqaratta meeqqat angajoqqaaminni ingerlalluannikkaluartulluunniit sammisassaqaarneratigut inuunermik qaamasumik nuannersumillu misingitissallugit. Tassa inuiaqartigiit nukittuut aqutissaat.

Taamatut oqaaseqarluta tapersiillutalu inatsisissatut siunnersuut ataatsimiitsitaliamut susassaqaartumut ingerlateqqinnissaa innersuussutingaarput.